

國學基本叢書
定盦文集
上

書叢本基學國

集 文 盒 定

(上)

撰 珍 自 龔

行 發 館 書 印 務 商

刻定龔文集緣起

定龔文集上中下三卷。又續集四卷者。仁和龔禮部之所作也。係禮部手寫定本。亂後是書流閩中。其友曹竹吾從他人轉輾假錄得之。初甚祕。後踵門索觀者衆。日不暇給。屬余出資付剞劂氏。校讐之役。皆竹書獨任。余意在成人之美。但有解囊相助。功過所不計也。惟是書經數手傳鈔。又潦草寫定。舛譌知必不免。且無善本可校。其亦可以已矣。然則竹書曷爲必鋟諸板乎。曰。是將以杜塞夫人之求之者。竹書爲設一例。曰。不敢妄爲增損。有明知其不譌。而無目人所強爭者。固仍之。卽明知其必譌。而有目人所共議者。亦姑仍之。蓋本穀梁子傳疑傳信之義耳。刪去少作四篇。亦禮部志也。又與江子屏箋書。杭大宗逸事二篇。係後續得者。此外無一字焉。禮部之文。千秋自有定論。余又何庸贅一辭。錢唐吳煦謹識。

定盦文集題辭

士君子負嶽崎磊落之才。睥睨一世。或數十年而一見。或數百年而數數見。抑或數百年而僅乃一見。要皆因乎氣數之升沈。時勢之遷變。迭爲乘除者也。若夫彼蒼鄭重愛惜之人。其尤特異者。將必故吝其生。不使遽降於世。迨之又久。以俟大聖人出。熏沐醲化。翊扶景運。蓄其經術文章。與名儒碩彥。和其聲以鳴國家之盛。彼亦嘗欣欣然自喜。前不見古人。後不見來者。奮乎百世之上。俯乎百世之下。幾不知宇宙之如此其寥廓也。則將曰。天不生我於前之世。又不生我於後之世。何以至今日。倏然而有我。豈無意哉。我既有此。不先不後之身。與萬物相見。則天之待我也良厚矣。我其可自暴棄也歟。遂乃沈酣六籍。饜飫百家。大聲發於大地間。而汪洋恣肆。浩乎其無涯。渺乎其無際。而莫知其所終極。故處則閉戶著書。索解人而不得。藏之名山大川。傳諸其人。其言若金玉。日與樵夫牧豎。歡歌於山巔水涯之側。祕之弗爲外人道。出則陳謨納諫。貢箴獻頌。登於明堂。其言見諸措施。如泰山出雲。不崇朝而徧雨乎天下。以慰其霖雨蒼生之願。山林廊廟。兼而有之。其人其文。卓然大家。宜其上下五百年。而獨有千古。嗚呼。天之生才。不亦難乎。蓋慎之又慎矣。姑降格以求。在天。則雲霞雷電之變幻不測。雨露風霜之間代靡窮。在地。則層巒疊嶂。

之青標。時隱時見。長江大河之波瀾。忽起忽滅。於飛鳥。則翰雞鸞雉之文采。於走獸。則黃熊赤豹之彪炳。於蟲魚。則錦鱗文鱗。紫貝綠甲之鮮新。蠶繭繡蜜。蛙九龍絲之工巧。草則菖蒲薜荔。聽耳而明日。茯苓萊萸。延年而耐老。木則桃李杏某。吐華而垂實。杞梓松柏。應用而呈材。此固世間恆有之物。未足爲奇也。水其如甘雪。景星。醴泉。鬯艸。雲五色而成鬻。河三日而變清。鳳鳥之舒九苞。應六律。鯢魚之吸雲霧。薄滄溟。羊一角。狐九尾。麟趾麀臝。騏驎徵籙。麥兩歧。禾同采。靈芝奇木。渙礪移符。雙英應月。以成朔望。蓬蒿生風。以易炎涼。旗飾蛟騰。犀照雞駭。朱英環帶。紫脫筠聯。赤雀啣丹書。元龜負綠字。熊熊炎炎。爛爛斑斑。天文地人文。順資設夫。參離象革。太平以瑞。應臻百福。雖以仁聖之世。不屢見。然亦未始不一見也。今夫挺然不世出之人。殊尤而絕類。當國家隆盛之時。適生其際。亦若是而已矣。乃求之漢魏。求之南北朝。求之唐宋元明。而卒無有。雖有亦僅見。蓋數百年來。於師友之間。得兩人焉。一曰仁和。張君定盦。一曰邵陽。魏君默深。定盦天下之奇才也。尤卓犖有英氣。武林山水。靈秀甲寰宇。發源於歙之黃山。而錢唐江所自出。連延數百里。結而爲郡西之天目山。一支磅礴。走東南。挾浮溪之水。與紫溪合流。過桐廬縣。而入於江。龍飛鳳舞。盤屋鉤盤。夷迺邇迤。乍合乍分。若斷若續。西受新城之葛溪。東合浦陽江水。而迅焉。以達於會城。成東南一大都。聚生是邦者。多英姿挺拔之士。定盦翹然獨秀。抗先哲而冠羣賢。非徒以地氣也。蓋亦有天象焉。吳越於分野。值斗牽牛女。常星紀之次。定盦於乾隆五十有七年七月戊戌朔。越五日壬寅。生於

郡之東城與鄒康成生漢永建之二年七月戊寅其日同也。星紀承河漢下流衆水之所歸。當此之月。宵中垂象。仰在天之文章。咸作人於壽考。其鍾毓也奇。則其稟受也竺。君平生著述等身。出入於九經七緯。諸子百家。足以繼往開來。自成一家言。天人性命之奧。則取法於易。帝王政事之大。則取法於書。美惡勸懲之義。是非褒貶之條。則取法於詩與春秋。驗家國之興亡。知人物之臧否。則必徵諸三傳。考典章之明備。審制度之精詳。則必徵諸三禮。以及遺聞軼事。故書雅訓。則又雜采於周秦傳記之書。其雄辭偉論。縱橫而馳驟也。則似孟似莊。其奧義深文。佶屈而聳牙也。則似墨似鬻。其義理精微。辭采豐偉。或守正道之純粹。或尚權謀之詭譎。則又似荀似列。似管似晏。他如韓非。慎到。吳起。孫臏。尹文。尸佼。屈原。呂不韋。燕太子丹。趙公孫龍。尉繚。關尹。鷄冠。鬼谷之倫。雖各分門而別戶。亦皆殊途而同歸。卓哉斯人。其諸通大地人而爲儒者歟。曩者道光甲申之歲。余入市閭書。邂逅於僻巷。不及通姓名。瞠目視良久。若有心契者。執手談文字甚歡。始與訂交。盡棄余向所學者而好讀定盦文不少衰。朝取一編焉。通其意。莫取一編焉。玩其辭。明年復因定盦而交。默深三人者。遂相視爲莫逆。余慕定盦之爲人。與其所爲文者。久欲一見不可得。乃求之寤寐。而終莫慰余懷之渺渺。何圖卒然遇之。而令人賦蘼草之詩不置也。始余獲見其文。如土穠山巖。空青珊瑚。侈之施諸采色。可備黼黻文章之用。如鬱人貢百草之華。十葉爲貫。百升爲築。以養之。爲鬱鬱之酒。芬芳條達。甘旨醕醑。如郡國往往於山川得鼎彝。古黠古香。摩挲不去手。如壞孔子宅。壁中聞

有琴瑟鐘磬之聲。移宮刻羽。有招我山房之樂。如投九重之淵。探驪龍之頷下。而獲其巨珠。縱千金而不易。匪一簞之可遺。豈徒以妙色和聲。美味好兒。怡神而蕩魄哉。今距定齋之卒。已二十餘年。余重讀其文。猶旦暮耳。定齋往矣。定齋之文如水火之在大壘間。水嘗一日無者也。後之人苟有好學深思。心知其意。如嘗海一滴。而知其味之鹹。取火一星。而知其性之烈。若余之朝吟夕詠。而不忘夫定齋者。其亦海之一滴。火之一星也夫。同治七年閏四月吉日仁和曹籀謹墓。

定盦文集目錄

卷上

寫神思銘

乙丙之際著議第一

乙丙之際著議第九

釋風

別辛丈人文

崑山徐尙書代言集序

送歙吳君序

海門先蒿陳君祠堂碑文

與人箋三

卷中

家塾策問

定盦文集 目錄

燕昭王求仙臺賦

乙丙之際著議第六

乙丙之際著議第十八

黃山銘

皇朝領輔頌序

與徽州府志局纂修諸子書

送夏進士序

與人箋一

與人箋四

陳頌甫所著書序

平均篇

乙丙之際著議第七

乙丙之際著議第十九

哀忍之華

太倉王中堂奏疏書後

武進莊公神道碑銘

農宗

與人箋二

答人求墓銘書

西域置行省議

擬進上蒙古圖志表文

蒙古象教志序

蒙古水地志序

蒙古亭卡志序

蒙古聲類表序

上鎮守吐魯番領隊大臣寶公書

上國史館總裁提調總纂書

與人箋

卷下

五經大義終始論

宋先生述

擬上今方言表

知歸子讚

定齋七銘

與江居士箋

戒將歸文

發大心文

定齋續集

卷一

說京師翠微山

說昌平州

說天壽山

說居庸關

說張家口

說宗驛

說巖

說刻石

說碑

說衛公虎大敵

太史公書副在京師說

京師樂籍說

說月晷

宥情

涼燠

論私

尊命

卷二

古史鉤沈論一

古史鉤沈論四

壬癸之際胎觀第三

壬癸之際胎觀第六

壬癸之際胎觀第九

五經大義終始答問三

五經大義終始答問六

五經大義終始答問九

乙丙之際塾議第二十

保甲正名

祀典雜議

抱小

尊任

古史鉤沈論二

壬癸之際胎觀第一

壬癸之際胎觀第四

壬癸之際胎觀第七

五經大義終始答問一

五經大義終始答問四

五經大義終始答問七

乙丙之際塾議第十六

乙丙之際塾議第二十五

地丁正名

答人問關內侯

尊史

尊隱

古史鉤沈論三

壬癸之際胎觀第二

壬癸之際胎觀第五

壬癸之際胎觀第八

五經大義終始答問二

五經大義終始答問五

五經大義終始答問八

乙丙之際塾議第十七

述思古子議

撰四等十儀

卷三

己亥六月重過揚州記

商周彝器文錄序

錢吏部遺集序

袁通長短言序

卜海李氏藏書志序

陸彥若所著書序

邵子顯校契婁東雜著序

四先生功令文序

序嘉定七生

卷四

王仲瞿墓表銘

武顯將軍福建海壇鎮總兵官丁公神道碑銘

贈太子太師兵部尚書兩廣總督諡敏肅涿州盧公神道碑銘代阮中堂

病霖館記

升平分類讀史雅詩自序

江左小辨序

上海張青珊文集序

江南牛弘筆集序

張南山國朝詩徵序

懷寧王氏族譜序

送徐鐵孫序

長知言自序

干祿新書自序

江子屏所著書序

金鶴人畫山水序

阮尚書年譜自序

續溪胡戶部文集序

禮部題名記序

識某大令集尾

工部尚書高郵王文簡公墓表銘

明按察司僉事金君石闕銘

刑部主事番禺黃君妻周慕碣銘

徐泰母碣

孔憲彝母碣

朱陽女碣

潘阿細碣

京師悅生堂刻石代宋穆暨

鳳山知縣常州湯公父子畫象記

金侍御妾誄

最錄南唐五百字

記王隱君

吳少雍

書果勇侯人觀

書番禺許君

書葉機

書金伶

松江兩京官

縱_門達曹生

石里

廬之推

捕賊第一

捕龍鵲鵲豺狼第二

捕狗蠅螞蟻蚤蜚蚊蛇第三

定盦文集補

續錄

文八首

蒙古字類表序

蒙古氏族表及在京氏族表總序

蒙古冊降表序

上清真人碑書後

秦泰山刻石殘字跋尾

支那古德山書序

重輯六妙門序

重刊圓覺經略疏後序

餘集 古今體詩

破成草上卷

破成草之餘下卷

續集 雜詩

三百十五首

別集 詞選

無着詞

懷人館詞

影事詞

小管學詞

庚子雅詞

定齋文集補編

卷一

與番舶來日本佚書書

論京北可居狀

與人論青海事書

謝案此書即正集卷中末篇之與人
賤學東全經閣刊本重出今不補

卷二

北路安插議

御試安邊綏遠疏

在禮曹日與堂上官論事書

主客司述略

上大學士書

蒙古寄爵表序

青海志序

烏梁海表序

送欽差大臣侯官林公序

卷二

釋魂魄

辯知覺

闡告子

六經正名

六經正名答問一

六經正名答問二

六經正名答問三

六經正名答問四

六經正名答問五

志寫定翠經

說中古文

家塾策問一道

最錄穆天子傳

最錄列子

最錄司馬法

非五行傳

與陳博士箋

衣孤虛

最錄易緯是類謀遺文

最錄尚書考靈耀遺文

最錄春秋元命苞遺文

最錄急就

最錄中論

最錄歸心篇

最錄神不滅論

最錄李白集

書蘇軾題臨臯子帖後

最錄平定羅利方略

漢器文錄序

鏡錄序

瓦錄序

說印

葛伯仇餉解

卷四

定盦八箴

大思箴

削成箴

勇言行箴

石言

附與江子屏牋

江南安慶府知府何公墓表諸

送廣西巡撫梁公序

顧亭十像題辭

與人箴

極思箴

帝心箴

文忠箴

紙塚銘

劉禮部庚辰大禮記注長編序

曹尚志碣

爲家大人內辰同年祭江西巡撫陽湖吳公文

杭大宗逸事狀

問經堂記

志未逮箴

懷我生之先箴

天琴頌

徽州府志氏族表序

定盦文集

卷上

仁和龔日珍堪人撰

寫神思銘

夫心靈之香較溫於蘭蕙。神明之媚絕媚乎鉛汞。殊呻窈吟。魂舒魄慘。始有離故實絕言語者焉。鄙人稟賦質冲。承愁無竭。投閒遘乏。沉沉不樂。抽毫而吟。莫宣其緒。欹枕內聽。莫訟其情。謂懷古也。曾不脫乎詩書。謂感物也。豈能役乎繫輓。將謂樂也。胡迭至而不和。將謂哀也。抑嬰襲而無疾。徒乃漫漫漫漫。幽幽奇。覽鏡忽唏。顏色變矣。是知仁義半忘。遠慚淵子之聖。美意延年。近謝郇生之哲。不可告也。矧可療也。爲銘以寫之。銘曰。髮而不舍。髮子其保。咽而復存。媚子其長。戎神毋夢。神乃自動。黯黯長空。樓闌萬重。樓中有鏡。有人亭亭。未通一言。化爲春星。其境不測。其神習焉。峨峨雲王。清清水仙。我銘代絃。希聲不傳。千春萬年。

燕昭王求僊臺賦

定盦文集 卷上

燕昭王登虛西郊之臺，郭隗侍前，劇辛侍後，望氣之徒咸在左右，淫雨久極，黔黔汨汨，泥泥沒沒，萬民蹙額，燥風枯人，大川生塵，晦晦蠢蠢，渴我萬民，重以三門六衢上輦，齒車下不通清渠，百腥塞填，七竅不得以整舒，萬民勦荼，於是王乃凭窻而望之，有氣自東南隅來者，冉冉兮若青雲之始翔，鵲鵲兮若初日之未央，始凝睇於山隅，繼纏結乎城闕，倭星辰，招鸞皇，卽之溫溫，吸之英英，外澤淳氣，中含幽光，胡鞠手而盤拏，忽值吐其燁芒，手攬之而纏綿，乃颺去其無方，王使下臺求之三返而無見也，於時燕國之徒，搢紳大夫，西秦南楚，韓魏趙之上卿客儒，咸斯氣也，盎然而和，睭然而靈，眩者遇之而明，替者遇之而精，朝不曠者遇之而飽，夕醉者觸之而醒，燕王神思屏然，穆若有聞，以屬大夫，上大夫樂毅起對曰：斯殆仙者氛歟？臣聞有道之國，至德之君，則是氣從而降之，蓋山川所以福祥吾君，與謀休光玉體之令問者，於是乎聞之，昭王色音羣臣上壽起賀，上大夫毅乃重曰：斯氣也，泔海兮無極，淒迷兮不識，胎乎無始之鄉，饜乎自然之域，巫陽招之不能降，馮相饜之不能息，接晤之而如真，求燁焉而無質，善能入城市而變化兮，又委隨乎邑國，譬兮若海鳥之轢秋雲，宛兮若女手之弄白雪，抱之兮若冬雷之不可親，思之兮若春女之不忍別，徒欲求之羣代馬而影迷，亂燕蘭而香失，願王嬋媛其心，令聞孔嘉，茹鮮道德，樂餌雲霞，澹二帝之制作兮，思三皇之所華，儼王之神凝，王之聰明，以引王之真，斯氣必且復見，乃擊磬而歌曰：王國之福，四方是則，王國之和，四方攸歌，使王夜擁燕女，不若斯氣之翔媚於宇，使王晝夢召公，不如斯氣之鬱淵。